

Ashittine Wuree Ibaaret Taatee Woraabboo

Gimo

Ashi bushoo bi halloona oogittinon yechii shiijeto bi tunetoch, daakkoona ashittinoochee baraani tatittine wuroon tatoona boonoshich icheto tunoon arii shuunooch heechiyoo, ame megoona aalloon beemoch, iber- ciinona woyee dabaani nalloon danoonaa aagete diggittinooch indo Bi tunetochiye.

Ashittine wuree quiyee qayonaa woyee hoxe beshoona ashi bushoon xiixxitonaa gonde shuuraaron bi dabbiyoonaa ashi qatoo woyee gaboo wotta ashi bushoo aabiyona irtaalloon woyee ame megoona aalloon yibbaatoonaa bi shunnito gibenon bi hakiyeemi wuroon danoonaa shatonaa irtoonoochee boono kechemi hiinon halloone getaa bi woraabbeeti qoodochiye.

Ashi bushoo giidoona neexxi qeejee shafroon neechooch hukkooch gimon inde gommo woyee kaattoo tunii daamon ciire maroo tunii bi daammiibeet gommon echiyooch ashittine wuroon taatee sheeroona quiyoo Qaawihe

Baribare showeena'o daggooch xibittine gommon halloo qaawiit qoodooch

Ibaareet showee macceena'o ind-inde ashittine wureena'o; ashi bushee oogittinonaa animee tatittine toommooch kupphe shalligoon woyee gibenon wochinnoo boono xiishiyoonaa gaminona asho bi qaawitoommon shuuraaroonaa tookki beemi diconaa boono beemon boono uumiyeemmoch boono maaccitoch

Ibaareet taatoonaa tookki naayi showeena'o ashi ashittine wuroonaa indi-inde asho bi shunniton hallee wureena'o aageteoch ubbe xaa'oochona boono quiyeeemmonaa gawaatiyeemmoch qaaro boono giiti qoodooch

Eb ashittinee wureena'o ubba shuunooch heecheemmoch woyee toocooch shaggeemmoch eb wureena'onaa bi shunniton hallee wureena'o toommooch goge digeno beeyeemmo tuniyoo qaawiiti qoodooch

Ebich and,

Aagetee daqqoono tuneba showeee tiqqoona eb wureena'on quiyooch giibeet maroona eb wureena'o quiyoo gaminneemoch, yamoona aabi ashoona tuneba maccee kuxo eb wureena'on ciinnimmona dojjoo bi hakkiyeemoch, daakkoona naayi showeena'onaa boono dechiich beet macceena'ona eb wureena'o archeemmonaa shuunooch heecheemmo tuniyooch Ibaareet taatee koce kicee iinjoo hin ashi ashittinee wuree woraabboo aagetee daqqoona ubbe showeena'onaa maccooch goge bo'oo tachoo tune bi gaacceemoch woraabbite.

Mokasho 1

Ubbe ashi bushoo shiijjeto tatoonaa ame megoona aalloon, oogoona wuroonon yechiiniye. Ikkoo baroona manittine shalligoonaa naboona yeshet shalligoon boono shaddeyoo hakkiimm qello boonoshich ichete.

Mokasho 2

Hin woraabboona ichet ubbe ashi ashittineechonaa megalloon shuuraare wuroo yaroo, qeddo, gibeno, animoo, noonoo, poletikeechona bare shalligoona, showee tiqqe shalligoonaa tookkii beemm yeshoona, gaanaa girittinoona woyee gijjoona yeshiyaanon shuunooch heechiyoo qaawiihe.

Daakkoona, poletikoona, sheeroon oogiyoonaa woyee ikke showoo aagetooch biich beet daqqoona, ikke men showee beeyechona yeshiitaa, men showee bi qello hakkit tunebu tunaayu, woyee bi qelloona qeyaaneenaa bare showee giidoona qeejjaabeet tunebu eb woraabbooch beet wuroon gaachecho tunneheete.

Mokasho 3

Ubbe ashoona kashoona showee toommooch beemi, ame irtaalloon beemi, bi qelle quiyee wuroo biich beete.

Mokasho 4

Koniyona tuneba guuchittine kemiye qayi wuroo biich beete. Guuschittinoonaa guuchi giixe ubbe shuuraaro neexeto/echeto tunoon ariyoo qaawiihe.

Mokasho 5

Koniyona ame naxe/cuche gooroochona tuneba xooppeyaache; ariqqiyaani hinnoona naxiyaache.

Mokasho 6

Sheerooyee aaf ubbe ashoona aabichona hammii aabi ashichoommon beemi wuroo biich beete.

Mokasho 7

Ubbiyona sheerooyee aafinaa taatee sheeroon tatoona ame tiyaaroonaa aalloon quyegaata tateena'one. Ubbichona hin woraabboo shappaanoon woyee kuxiyaanoon ame hinnoonoona bi gahiyaachemmoch tiyaara aalloon tatoona quye wuroo beete.

Mokasho 8

Aabi bashoona showee tiqqe nalloonaa inde-inde wureena'on gaakkit kuxowaanee nummoon woyee tachoon taatee sheeroona dane wurechone.

Mokasho 9

Koniyona dan cucho, cikii cuche kexooch yagoo woyee calletaa beemmo qaawiyaache.

Mokasho 10

Aabi ashoona bi wuttoonaa wuroonon xeppho tuniyoona hukkoona naxo icheebeet goorooch nallee kexona tatoonaa dabaani nallee dane wuroo beete.

Mokasho 11

1. Aabi ashoona taatee sheeroon neexona bi phuuqeegaata men bi phuuqeet hukkoon bi hallito tuno xiishiyaaha dan tachoona hukkoon shuuneto biine geto hakkiyaache. Hukkoon shuuneto ta toonoone imm wochee imiwuroo biich beete. Hukkoon hallito tuno xiisheemmona taatee sheerooch kotetoommona xaxeyoo hakkiye.
2. Hukkoo hallii daneto woyee bi halloo xiisheeto koniyona naxiyeemmo amoonona tuneba showee tiqqeecho tuneba aagetee daqqe sheeroona halleet hukkoona tate tuno qaawiihe.

Mokasho 12

Koniyona tunegaata bi qelli, bi kechi ashi, bi beemi kechi woyee tookkii beeti ashi qelli woree toommooch qaaweyaani toshoon gedo hakkeyaache; boono oogittinoonaa gallaame shigoonon giishiyoo/naago hakkeyaache. Ubbiyona eboommi tosheena' onaa naageena' oochee quyeyee wuroo biich beete.

Mokasho 13

1. Ubbiyona bi beeti showee daggooch beeti aabiixi xaa' oochona sha' onaa beemi wuroo biich beete.
2. Ubbiyona bi beeti showoo aabiyona tunegaata duppii hamon hakkiye, bi beemi showoon beddaahaa daakkoonaa, bi showooch wottee womono hakkiye.

Mokasho 14

1. Ubbiyona bi qelloon hayiboochee quyooyich bare showooch maxxee hammi beemi daaggee eche wuroo biich beete.
2. Eboommi wureena' o poletikoona yesheyaaneena' o boono tuno kaamoona aricheebetina' onaa iibaareet showeena' ochi gabeena' onaa wulle moochaafeena' och sheexo tuneti mooyina' o halleemmi goorooch shuuneyaache.

Mokasho 15

1. Ubbichona ikke showee shiishoo tune wuroo beete.
2. Koniyona tunegaata bi showashittino giidoona bokkeya bedaache; bi showashittinoon shaddiya bi qaawigaatoo bacheya bedaache.

Mokasho 16

1. Boono eeno shaggiti anaamonaa maacheena yaroo, showashittino woyee gibeno toshaanoon shaagonaa xiboon dane wurechina' one. Boono shaageemmi gooroocho tuneba boono baribarimmi goorooch tate wurechina' one.
2. Shaageyoo shaageemmonaa shaakkeyeemminochi ceene mashaamoona tuneya beddiye.
3. Kechi asho macee ikke kuxo bi tunetoch maccoonaa taatoonochi quyoon qaawiye.

Mokasho 17

1. Koniyona bi qelloona tuneba kocee' i yaaphe hajjee wuroo biich beete.

2. Koniyyona bi qelli yaaphoon dan mucceya bedaache.

Mokasho 18

Koniyyona tunegaata bi qaawitoommon yibbaato, gibene wuroo biich beete. Eb wuroo bi gibenoon shaddoon, bi qelloona woyee bareena'ona tookkii guuphona, qelloona woyee bakkooch/gaddooch bi gibenoon dojjoo, shuunooch heechiyee wuroo biich beete.

Mokasho 19

Koniyyona tunegaata qihe imonaa bi shalligoon giddiyee wuroo biich beete. Eb wuroo koniyyona tunegaata ame toshaalloon qoyito bi immeemmonaa baribare woche beshiyee yaweena'on gaachee qihe boshoon, danoonaa beshiyee wuroon daakkiye.

Mokasho 20

1. Koniyyona tunegaata diggoona kiceyoonaa koce hallee wuroo biich beete.
2. Koniyyona koce naayo bi tuneemmoch woyee tuneyaacheemmoch toshoo hakkeyaache.

Mokasho 21

1. Koniyyona tunegaata bi showee taatee yaabee hinnee daggooch kaamoona kaacheti bi kereena'ona kereyoo hakkiye.
2. Koniyyona tunegaata bi showee taatoo immiibeeti gaaceena'on bareena'ona tatoon gaache wuroo biich beete.
3. Taatee qeejee wurooyich timo maccee mashaamoo tuneya beddiye. Maccee mashaamoo aricheebeeto gooroo maacaa giibeeti gibeneeti kaacina'ona tunemmona eb kaacina'o ubbe macceena'ochona tate malloon immiibeetina'onaa aashoona woyee shaaha wuroon quyeti kaacci shafiroon quyetaa gawaateebeetina'o tuneya beddiye.

Mokasho 22

Koniyyona tunegaata maccee naayo bi tunoona beemi daaggee dane wuroo biich beete. Bi oogittinoonaa konaatittine uumooch oogichii qaawiiibeeti ikkoonoomee,

tookkiibeemonaa qoce wureena' o showeena' o daggooch beeti koceena' onaa gaanne hinnoommona showee tiqqe qiiiccoonaa aagetee tiqqe degoona ceenna beddiyeete.

Mokasho 23

1. Asho koniyona shuunee shuuno, bi shuunoon bi qelli daaggoona kaaco, tatoonaa mashaamimmi shuunee hinnee daggooch shuunoonaa shuunee muccoochee wodee wuroo biich beete.
2. Asho koniyona tunegaata ame baribarittino halleyaanoon shaahе shuunooyich shaahе gijjee qoche wuroo biich beete.
3. Shuunee toommooch daneebeeti amoommi asho bi qelloonaa bi kechi asheena' on ashi bushoochi oogittinoona mashaamimmi beemi daqqoona beemoch hakkiimmi tatoonaa bede shumayoon danoonaa qaawiigaata bare tookkii beemi degoon dane wuroo biich beete.
4. Asho koniyona tunegaata bi qelli wureena' on quyiyooch shuunechina' ochi kocoon halloonaa naayo tune wuroo biich beete.

Mokasho 24

Asho tuneto koniyona kashoonaa ciixe gooree dane wuroo biich beete. Ikke qemi daggoch maacheti gooreena' och baach shuunoonaa goorigooroona qocheebeetaa icheebeeti kashe gooroon dane wuroo biich beete.

Mokasho 25

1. Asho tuneto koniyona bi qelloonaa bi kechi asheena' ochi iiwittinoonaa diggittinooyich tuneemmi bedditi beemi daqqooch beemi wuroo biich beete. Ebiyoo: maayoon, tahoona, beemi kexon, iiwee gaacoon, qaawiiimmi tookkii beemi gaaceena' on danoonaa shuunee muccooyich, biiyooyich, ahee shappooyich, kechi doonochi qitooch, geenittinooyich woyee bare iiqqooyee beshoo tune' i beemi hinnoon megiibeeti mooyina' och buushaaree dane wuroono yechiye.
2. Indittinoonaa bushittinoona bariti heetoonaa degoonon qaawiyeeete. Bushiisheena' o ubba shaageetenoo tuneba shaageyaanoon boono shijegaata tate maccee degoon daneheete.

Mokasho 26

1. Asho tuneto koniyona dooyee wuroo biich beete. Giishebee getigaata ikkinnoonaa timo tunebeet daqqeena'ooch dooyoo qocheyaanon icheya beddiye. Ikkinnee daqqe dooyoo wuttoo tuneya beddiye. Iqqe uumiyye dooyee kexina'o ubbe xaa'ooch beeyeemmon tuniyoo qaawiibeeto tunemmona ooge dooyee daqqo wotta iiqqoon indiitaa ubbichona tate malloon immimmi hinnoona icheemmon tuniyoo qaawiihe.
2. Doyoo ashi bushoochi ceene dicon shaaddiyoonaa ashittine wureena'ona ind-inde wureena'on oogiyooch giibeeti qiiccoon kupphiyooch yameeto tuneya beddiye. Doyoo mashaamoon, macceena'ochi baribare yareena'ona gibeneena'ona daggooch haa'eyoonaa manittinon uumiyyoonaa Iibaareeti showeena'o diggoon quiyooch boono geddiibeeti qiiccoon aaf shaaddiibeeto tuneya beddiye.
3. Shiitina'o boono bushiishooch icheemmi dooyee shaahoon shiichii kaacci wuroo boonoshich beete.

Mokasho 27

1. Asho tuneto koniyona maccoochi qoce beemi hinnee daggooch bi qaawitoommon shuuraaro, boono ariyee gaanneena'ona emiroo, saayinse uumee daggooch shuuraare gedonaa daachoonoo gaache wuroo biich beete.
2. Asho tuneto koniyona bi daneti saayinse, hallee kooree woyee ariyee daacheena'oochee shigoonaa gijjee gaacoon dane wuroo biich beete.

Mokasho 28

Koniyona tunegaata hin woraabbooch kotet wuroonaa bi shunniton ame megoona aalloon halloon tookkii beemona tuneba aagetee daqqoonaa ichem hajjiyoon gawaatee goorooch shuunooch heechiyoo qaawiihe.

Mokasho 29

1. Koniyona ame megoona aalloon bi maccooch biwaane qaaweemmon halloonaa bi qelloon uumiyyoon hakkiye.
2. Bi wuroona shuuraare goorooch taatee sheeroona yeshiyoonaa shappit mooyina'on baach bareena'och wuroon quyeto shaahiyoona ashi shalligoonaa maccee degoon

danooch shuuno indittinoona demokraasin ariibeet maccoon hallooch gaacciye.

3. Hin wureena' onaa bi shunnitoommoon shuuraare hakkoon iibaareet showeena' ochi gaacoon sheexxim-gommona shuunooch heechiyoo hakkeyaache.

Mokasho 30

Aabi showoo, asho, guuphoona ame naboona hin woraabboon bare nabooch ame hiinnoonona hin woraabbooch kotet ashi ashittine wuroonaa ame megoona aalloon beemmi hinnoon megim- hinnoona shekke gaacho hakkiyaache.